



Naaja H. Nathanielsen
Inatsisartunut ilaasortaq, Attaviitsoq
/Uani

Soraarnerussutisiaqarnissamut aaqqiissutininunani allaniittunut akiliinermut akileraarusiisarnissaq pillugu § 37 naapertorlugu apeqqtutinut akissuteqaat

Brevdato: 24-05-2016
Sags nr. 2016 - 8486
Akt id. 2835925

Asasara Naaja H. Nathanielsen

P. O. Box 1037
3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

Inatsisartut suleriaasianni § 37 naapertorlugu ima apeqquteqaateqarsimavitit. Apeqqtutit uteqqinneqarput, ataasiakkaarlugillu akineqarlutik. Akissuteqaat siusinaartooq siunnersuutip pingajussaaneerneqarnissaani 30. maj 2016-imut atatillugu isigineqassaaq.

Apeqqut:

- 1) 55 mio koruunit isertinniassagaanni inuit qassit akileraarusersuinikkut allannguiffigineqassappat? Aningaasaqarnermut naalakkersuisoq oqaluuserisassap samminerani aperiganni, akivoq pingajorarterutaasoq. Suup pingajorarterutaa?
Naalakkersuisoq ersarissumik akissuteqaqquneqarpoq.

Akissut:

Aallaqqaasiutigalugu erseqqissalaassavara: Akileraartarnikkut iluanaaruteqarnissaq anguniarlugu inatsisissatut siunnersuut suliarineqanngilaq. Kisiannili soraarnerussutisiaqarnissamut aaqqissuussinernut nunani allaniittunut akiliinermi Kalaallit Nunaannut akileraartarnissaq anguniarlugu inatsisissatut siunnersuut suliaalluni.

Inatsisissatut siunnersuut Nunatta Karsianut 55 mio. kr.-nik iluanaaruteqaataassasoq naatsorsuutigineqarpoq. Akileraarutit qaffasissusaat naapertorlugit kiisalu soraarnerussutisiaqarnissamut aaqqissuussinernut nunani allaniittunut, matuma ataani Danmarkimiittunut, ukiumoortumik akiliisarnerit tunngavigalugit tamanna naatsorsorneqarpoq. Soorlu inatsisissatut siunnersuutip aappassaaneerneqarnerani akissuteqartunga, soraarnerussutisiaqarnissamut akiliinerit tamarmik 1/3-ii, ukiumut 140 mio. kr.-t missaanniittut, soraarnerussutisiaqarnissamut aaqqiissutininunani allaniittunut akilernerqartarput. Taamaasillunilu, soraarnerussutisiaqarnissamut aaqqissuussinernut akiliisartut 1/3-ii taakkuupput inatsisissatut siunnersuummi matumani pineqartut.

Apeqqut:

- a) 55 mio. Koruunit isertinniarlugit, inuit qassit akileraarusersorneqassappat soraarnerussutisiaassanut akiliutinit akileraarusiinerni?

Akissut:

Apeqqu 1-imi akissuteqaammi nassuiaaninnut innersuussissaanga.

Paasissutissiissutigineqarsinnaavoq inuit 4.700 – 5.000-it missaat ullumikkut, soraarnerussutisiaqarnissamut aaqqiissutinut nunani allaniittunut akiliisarmata. Nuuttarnerit pissutigalugit kisitsit nikerartarpoq.

Apeqqu:

b) Paasisakka naapertorlugit suliffeqarfinni anginerusuni atorfeqartut arlallit soraarnerussutisianut akiliinermi akileraartareerput. Naalackersuisut tamanna ilisimavaat? Taakkulu suliffeqarfinni atorfeqartut naatsorsuinerni ilanngaatigineqareerpat? Paasisakka naapertorlugu atorfillit pineqartut Tele A/S-imi Air Greenlandimilu atorfeqarput.

Akissut:

Naalackersuisut ilisimavaat, innuttaasut ilaat ullumikkut, Kalaallit Nunaannut akileraarnissamut periarfissaq atortaraat, taamaasillutillu soraarnerussutisiaqarnissamut aaqqiissummut akiliinermi ingerlaannaq akileraartarlutik. Inuit taakku inatsisissatut siunnersuummit iluanaarutissanik naatsorsuinermi ilanngunneqangillat.

Apeqqu:

2) Soraarnerussutisiassanut akiliutaasut akileraarutigineqarnissaata siuartinnaasut siunnersuutaasup suliarinerani aningaasatigut iluanaarutaasussat 30 mio. koruuniniit 50 mio. koruuninut maannalu 55 mio. koruuninut amerliartarput. Paasissutissat tungaviusut suut Naalackersuisut suliap ingerlanerani pissarsisarimavaat, aallaqqaataaniit ilimagisamiit maanna isertitarissamakkaniit 25 mio. koruuninik amerlinerannut?

Akissut:

Inatsisissatut siunnersuutit aningaasaqarnikkut kingunerisassai pillugit inatsisissatut siunnersuummut nassuiaatini nalinginnaasuni naammaginatumik nassuiaasoqarpoq. Inatsisissatut siunnersuutit suliarineqarnerani iluanaarutissatut missingiutinik allanngortitsisoqarnikuunngilaq.

Ataani missingiutit kisitsisillu assigiinngitsut paatsuunganarsinnaasut ilai nassuiarneqarput.

Inatsisissatut siunnersuutit pissutsinik ilisimasatsinnik tungaveqarpoq kiisalu 2017-imit kingornalu ukiumut 55 mio. kr.-t missaannik akileraarutinit iluanaaruteqaataasarnissaa naatsorsuutigineqarluni.

Nassuiaatini nassuiarneqartut, iluanaarutininik pitsanngoriaat ataavortoq 35 mio. kr.-unissaa naatsorsuutigineqarpoq. 55 mio. kr.-t kiisalu 35 mio. kr.-t (20 mio. kr.) taakku assigiinngissutaannut pissutaavoq, inuit soraarnerussutisiaqarnissamut aaqqiissuussinernut nunami allamiittumut akiliisartut ilai, soraarnerussutisiat tiguneqarnerani Kalaallit Nunaanni najugaqaannarnissaat naatsorsuutigineqarmat, ilaasali nuussimanissaat naatsorsuutigineqarluni. 55 mio. kr.-ni pineqartuni soraarnerussutisiaqarnissamut aaqqiissuussinernut nunani allaniittunut akiliisartut ilaatinneqarput, 35 mio. kr.-nili pineqartuni missingiutigineqarput, soraarnerussutisiassat tiguneqarnerani nooreersimasussatut naatsorsuutigineqarsinnaasut.

35 mio. kr.-t pineqartut, soraarnerussutisiaqarnissamut aaqqissuussinernut nunani allaniittunut akiliinermi akileraarusiinikkut Nunatta Karsianut ataavartumik iluaqutaasussaapput.

Apeqqu:

3) Naalakkersuisut inuit qassit ilimagivaat nunatsinni soraarnerussutisiaqarnermut suliffeqarfimmut nuussasut, siusinnerusukkut akileraarnissaq pinaveersaartinniarlugu?

Akissut:

Inatsisissatut siunnersuutip suliarinerani tunngavigineqarpoq, soraarnerussutisiaqarnissamut aaqqissuussinernut nunani allaniittunut akiliisartuni, Kalaallit Nunaanni soraarnerussutisiaqarnissamut aaqqissuussinernut nuuttoqassanngitsaq imaluunniit ikittuinnaat nuussasut.

Amerlasuutigut sulisoqarnermut soraarnerussutisianut, atorfininnermi pilersinneqartunik akiliisoqartarpoq. Pissutsini taakkunanani soraarnerussutisiaqarnissamut aaqqiissutinut allanut nuunnissaq periarfissaakkajunneq ajorpoq.

Apeqqu:

4) Naalakkersuisut innuttaasut soraarnerussutisiaqalernissamut ileqqaarnissaannut perusulersinniarpaat. Ileqqaakkat ikinneruppata, ernialiissutigineqartoq minnerusaaq. Taamaalilluni siunnersuut landskarsimut iluaqusiissaaq illua'tungaaticullu innuttaasunut ataasiakkaanut nunani allani ileqqaagaqartunut iluaqutaanaviarnani. Qanoq Naalakkersuisut tamassumunnga oqaaseqaatissaqarpat?

Akissut:

Inuit ataasiakkaat utoqqalinissamut soraarnerussutisiaqalernissamut ileqqaarnissaannut kajumissusaat inatsisissatut siunnersuutip sunniuteqarfigissanngilaa. Tamanna pissuteqarpoq, soraarnerussutisiaqarnissamut akiliinermi imaluunniit soraarnerussutisiassat tigunerani akileraarneq inunnut ataasiakkaanut assigiinngissuseqassanngimmat, tamanna akileraarutit qaffasissusaat allanngunngippata.

Tamanna ima assersuusionerqarsinnaavoq:

100 kr.-nik sipaaruteqaraanni assersuutigalugulu 100 %-imik ernialersorlugit, taava 200 kr.-nik ileqqaagaqartoqassaaq. 40 pct.-imik akileraaruseereernikkut 120 kr.-t tiguneqassapput.

Akiliinermi akileraaruseereernerme inernerne assigiinnarpaa: 40 pct.-imik akileraaruseereernerme 100 kr.-t 60 kr.-nngussapput. 100 pct.-imik ernialersoraanni, 120 kr.-t tiguneqassapput.

Apeqqu:

5) Oqaluuserisassap 21-p aappassaaneernejarnerani Aningaasaqarnermut Naalakkersuisoq oqarpoq nunanit allaniit nunatsinnut suliarorusussuseqarneq suli piussasoq. Naalakkersuisup siunissami sulisussarsiornerup sapernerulernissaanut ernumassuteqarneq, suliniaqatigiiffinnit arlalinnit saqqummiunneqartoq piviusuunngitsutut nalilerpaa. Naalakkersuisut

tungavilersuutigaat Danmarkimi akileraartarnermut sunniutaasoq sakkortunerunerarlugu.

Qanittukkulli nutaarsiassaqaqarfinni atuarsinnaavarput nunatsinnut nakorsanik atorfinitsiniarneq ajornareersoq, akissarsiat atorfeqarnermilu atugassarititaasut nunani allani neqeroorutaasut pitsaanerummata. Naalakkersuisut isumaqatigaat akissarsiatigut ineriartornerup nunarput nunanut allanut sanilliullugu suliffigissallugu pilerinannginnerulersimmagu? Allatulluunniit oqaatigalugu: Peqqinnissaqaqarfinni atorfinnik aalajangersimasunik sulisussarsiorneq ajornartorsiutaalereerpa?

Akissut:

Peqqinnissamut Naalakkersuisoqaqarfik ima paasissutissiivoq:

Peqqinnissaqaqarfik nakorsanik sulilersitsiniarnermi ajornartorsiuteqarpoq, tassani nakorsatut atorfiit arlallit vikarinik imaluunniit sivikitsumik atorfeqartunik atorfigineqartarmata. Tamanna immikkoortortaqaqarfinni nakorsaqaqarfinni, Qaanaami, Ittoqqortoormiini, Aasianni, Paamiuni, Nanortalimmi Narsamilu ajornartorsiutaavoq. Tamatuma saniatigut Dronning Ingridip Napparsimavissuani nakorsat immikkut ilisimasallit atorfiisa ilaat, vikarinik sivikitsumillu atorfilinnik atorfigineqarput. Nakorsatut atorfiit pillugit Agathe Fontain-ip nakorsanik amigaaqarneq pillugu § 37-imik apeqqutaanut nr. 112-imi akissutini atuortoqarsinnaavoq.

Apeqqutit:

6) Naalakkersuisut arlaleriaqalutik oqaatigereerpaat siusinnerusukkut akileraartarnermut siunnersuutaasoq 2011-miilli ilisimaneqareersoq, tassami siunnersuut Akileraartarnermut Atugarissaarnermullu Isumalioqatigiissitap nalunaarutigereermagu. Imak paasineqassava,

- a) a)** Akileraartarnermut Atugarissaarnermullu Isumalioqatigiissitap innersuussutai tamaasa Naalakkersuisut malinniarpaat?

Akissut:

Akileraartarnermut Atugarissaarnermullu Ataatsimiititaliap imaluunniit ataatsimiititaliat allat innersuussutai tamaasa malillugit Naalakkersuisut atuutilersitsinngillat – soorlu Naalakkersuisut killormoortuanik aalajangersimanngitsut.

Innersuussutinik, Naalakkersuisut tapersorsinnaasaannik kiisalu Naalakkersuisut Naalakkersuisooqatigiinnissamut isumaqatigiissutaannut allatigullu politikkiannut tulluurtunik atugaqarnissaminnut Naalakkersuisut politikikkut kiffaanngissuseqartutut isigipput.

Ataatsimiititaliap suliaanut taaneqartumut Naalakkersuisut pullaviat taamaasilluni Naalakkersuisooqatigiinnut marlunnut siuliinut allaanerussuteqagaangitsutut isigineqarpoq.

Akissutini il.il. Naalakkersuisut Akileraartarnermut Atugarissaarnermullu Ataatsimiititaliap isumaliutissiissutaanut innersuussisarnerisa pissutigaa, Naalakkersuisut

erseqqissaassutigerusummassuk siunnersuut ataatsimiititaliamit pineqartumit tunngaveqarmat.

Akileraartarnermut Atugarissaarnermullu Ataatsimiititaliap isumaliutissiissutaa siunnersuutiniq isumassarsianillu amerlasuuninik imaqarpoq, taakkulu Kalaallit Nunaanni sunik aqqissuusseqqissanersugut oqallinnermik pilersitsisimasunik sulilu ullumikkut oqallissutaasunik.

Attassisinnaanermut Siuariartornermullu Pilersaarummik, Aningaasaqarnikkut Ingerlatsineq pillugu Nalunaarusiamut ilaasumik Naalakkersuisut tunniussaqaqqammerput. Nalunaarusiami tassani Naalakkersuisut aqqissuusseqqinnissanut pilersaarutitik aggersut nassuiarpaat.

Apeqqu:

- b)** Naalakkersuisut ilimagaat suliniaqatigiiffiit suliffeqarfillu isumalioqatigiissitat Assigiinngitsut innersuussutaannut ingerlatiinnartumik nalimmassassasut naak naalakkersuinikkut anguniagassanik piviusunik aqqummiussisoqarsimangikkaluartoq?

Akissut:

Soraarnerussutisiaqarnissamut aqqissuussinernut nunani allaniittunut akiliutit akileraaruserneqartarnissaat pillugit inatsisissatut siunnersuut UPA2016/21 assersuutaavoq, ataatsimiititaliap aqqissuusseqqinnissamut siunnersuutai qanoq ilillutik piviusumik inatsisissatut siunnersuutiqarsinnaanersut.

Naalakkersuisut ilimagaat, nunatsinni soqutigisaqatigiit nukittuut politikikkut oqallinneq kiisalu suliaasaqarfinni attuumassuteqartuni ingerlaavartumik politikikkut ineriartorneq malinnaaffigisaraat. Suliami matumani aamma taamaattoqarfimavoq.

Apeqqu:

- c)** Naalakkersuisut Aalisarneq pillugu isumalioqatigiissitap Aqqississuusseqinnermillu isumalioqatigiissitap innersuussutai tamaasa malinniarpaat?

Akissut:

Apeqqu 6 a-mut akissutinut innersuussissaanga. Naalakkersuisut isumaqarput, ataatsimiititaliap isumaliutissiissutai aqqissuuteqqitassanut siunnersuutiniq pingaarutilinnik imallit suliarineqarsinnaasut.

Apeqqu:

- 7)** Naalakkersuisut innersuussutigaat suliniaqatigiiffinnik attorneqartunik arlaleriaqaluni ataatsimeeqatiginnittoqartarsimasoq, taamaalillutillu akuutinneqartut. Kisianni arlaleriaqaluni ataatsimeeqatiginnittoqarsinnaavoq illua'tungerisaq ilanngutinngikkaluarlugu tusaaniarnagulu. Taamaattumik Naalakkersuisut siunnersuummut allannguutaasunik tigussaasunik toqqaaquakka, suliniaqatigiiffinnit apeqquusiisunit saqqummiunneqartunik.

Akissut:

Inatsisissatut siunnersuut siullermik eqqarsaatigineqaqqaaramili Inatsisartunullu saqqummiussassanngorluni inernerata tungaanut amerlasuunik allannguuteqarfiullunilu iluarsaassiffiuvoq. Imarisaani tunngaviumillu isikkuani soorlu aamma teknikkikkut inatsisilerinikkut allannguisoqarsimavoq. Suliffeqarfeqarfimmi illua'tungerisanit, soraarnerussutisiaqarnissamut aningaasaateqarfinit kiisalu nunatsinni Danmarkimilu soqutigisaqartunit siunnersuutit ilanngunneqarnikuupput.

Tusarniaanerop tamanut ammasup kingunerisaanit allannguutit saniatigut, inatsisissatut siunnersuutit piareersarneqarneranut atatillugu ataatsimiinnerit il.il. tunngavigalugit arlalinnik allannguuteqartoqarpoq. Matumani assersuutigalugu taaneqarsinnaavoq ernianit ilanngaatiq akileraarutitigut nalingata tunniunneqarnissaanut periarfissaq (§ 39 b), suliffeqarfeqarfimmi illua'tungit ilanngussinerannik pissuteqarmat.

Inatsisissatut siunnersuummi aalajangersakkat, tusarniaanerit pissutigalugit allanngorneqarsimasut arlallit ataani takuneqarsinnaapput. Allattukkat tamakkiisuunngilat:

- PFA aamma Forsikring og Pensions (FP) tusarniaanermi akissutiminni inatsisissatut siunnersuummut allannguutissanik arlalinnik siunnersuuteqarsimapput. Taamaattumik § 39 a imm. 2 aamma imm. 3. tusarniaanermit akissutit naapertorlugit tulluarsarneqarsimapput. Aamma 34, imm. 1. nr. 17-19-p oqaasertalerneru tulluarsarneqarpoq.
- § 39 a-mi ilaasuni soraarnerussutisiaqarnissamut aningaasaateqarfiit Kalaallit Nunaanniingittut akornanni soraarnerussutisiaqarnissamut aqqissuussanik akileraaruteqaataangitsumik nuussinissaq periarfissaavoq, tamanna FP-p tusarniaanermi akissutaata kingorna ilanngunneqarpoq.
- 2016-imi Inatsisartut ukiakkut ataatsimiinnissaannut inatsisissatut siunnersuumik suliaqartoqarpoq, aningaaseriviit sullitanut kalaallinut soraarnerussutisiaqarnissamut ileqqaarnissamut neqeroorsinnaanissaanut periarfissiisumik. Inatsisissatut siunnersuut tamanna ilaatigut Grønlandsbanken-ip inatsisissatut siunnersuummut tusarniaanermi akissuteqarnerani pilersinneqarpoq.
- Kiisalu inatsisissatut siunnersuummi 39, imm. 1. nr. 4, 39 a, imm. 1. nr. 4, imm. 3 aamma imm. 5, tusarniaanermi akissutit takkuttut il.il. kingunerannik allanngortinneqarnikuupput.

Kiisalu eqqunngilaq, oqallinnermi oqartoqarmat kattuffiit imaluunniit allat ilanngutaat isumaallu Naalakkersuisut soqutigisimannigikkaat.

Inatsisissatut siunnersuummut nassuiaatini nalinginnaasuni immikkoortoq 8-mut, tusarniaanermi inernernik suliaqarnermik nassuiaasumut innersuussissaanga.

Inussiarnersumik inuulluaqqusillunga
Med venlig hilsen

Randi V. Ewaldsen